

刑部比照加減成案

刑部比照加減成案卷十八目錄

杭州許榘

同訂

安陸熊莪

刑律人命

尊長爲人殺私和

同行知有謀害

刑律鬥毆

問  
答

刑部比照加減成案卷十八

刑律人命

尊長爲人殺私和

安徽司 道光元年

安撫題劉添培與余蔣氏口角。穢語辱罵。致氏氣忿自盡。案內氏翁余鳳岐受賄私和。例無子婦被辱自盡。夫翁受賄私和。作

何治罪明文。比照子孫被殺。父母受賄。私和律杖一百。

江蘇司 嘉慶二十年

蘇撫題張秀紅致死朱興富案內顧章咬肇衅釀命。照不應重杖。顧張氏因事由伊子顧章咬起衅。慮及連累。以財行求。查顧章咬罪止擬杖。例無明文。應比照兇犯罪。

止擬徒以財行求之父母減二等杖八十  
例減一等杖七十。

浙江司 道光二年

提督奏送宋謝氏毆傷夫胞兄宋六後自  
盡案內之宋八於伊兄宋六被伊妻毆傷  
後自縊身死並不報官輒自私行殮埋例  
內並無胞兄被弟妻毆傷自縊身死其弟

私埋匿報作何治罪專條。將宋八比。照期親尊長被殺而卑幼私和者杖八十。徒二年。惟宋六死于自縊與毆殺不同。應于杖八十。徒二年上酌減一等杖七十。徒一年半。

廣西司

嘉慶二十四年

廣西撫咨覃廷恩與韋氏通姦敗露致氏

羞愧自盡氏夫韋幗彥受賄私和一案除  
覃延恩依例擬徒外韋幗彥當伊妻韋氏  
自盡斃命並不報官輒受賄錢十二千文  
私和查例內並無妻妾因姦情敗露羞愧  
自盡本夫受賄私和明文將韋幗彥比照  
期服以下親屬受賍私和例計賍准枉法  
論十兩以上杖九十無祿人減一等杖八



十

陝西司 嘉慶二十年

陝撫題邱幅起謀殺邱洪潮一案查案內  
之邱世華並無知情同謀情事。其事後聽  
從抬埋匿報情同私和。邱世華係已死邱  
洪潮總麻服叔。將邱世華比照尊長被殺  
卑幼私和總麻減期。親三等律杖一百。

蘇司

嘉慶二十一年

蘇撫題王鶯踢傷王董氏身死犯父王現。  
愚子問罪。許錢求和未成。照本律量減問。  
擬王現合依以財求和係兇犯之父母杖。  
一百例上減一等擬杖九十。

山西司

嘉慶二十二年

晉撫題韓王氏與狄得良通姦。經伊夫韓

卷十八

刑律人命

四

金佃利資縱容嗣韓金佃被狄得良謀死。  
該氏並未同謀。迨事後知情被狄得良用  
刀嚇唬。扎傷手心。並以如敢張揚。定卽扳  
起意之言向嚇。該氏無奈隱忍。將韓王氏  
比、照、夫、爲、人、毆、傷、妻、妾、私、和、律、滿、徒、

安徽司 道光元年

安撫咨吳勇剛。因李景幅行竊。登時追捕。

毆打致死。李景幅胞孀陳氏受賄匿報。查私和律文。係指私和應行抵命者而言。吳勇剛登時致死竊賊。罪止擬徒。與應抵者不同。依卑幼被殺尊長私和律。於期親尊長被殺卑幼私和杖八十。徒二年。律減一等。杖七十。徒一年半。罪上再減二等。杖一百。

陝西司

道光二年

欽差文 等奏吳集元扎傷族姪吳鳳翔  
身死。案內之監生吳貞元於伊兄吳集元  
扎傷吳鳳翔時並未在場。惟因伊兄在縣  
捏供。慮及屍親質証致干刑責。許給屍父  
銀五百兩。教令捏供遷就。雖兇犯業已坐  
罪。究屬恃富妄爲。但無治罪明文。應卽依

例量減。將吳貞元、照屍親人等私和人命。  
如兇犯期服親屬用財行求者。計贓准枉。  
法論罪止滿流。例上減等滿徒。

同行知有謀害

河南司

嘉慶二十三年

河撫奏張鎮川呈控伊母坟塚被刨開棺  
剝衣。案內之王立功于張五鎖檢獲屍衣。  
不印首告。輒商同燒燬滅跡。比照知人謀  
害他人不行首告杖一百。

四川司 道光二年

川督題曾秀奇謀殺總麻叔曾萬令案內  
之曾萬瑾。係曾萬令小功堂弟。既知曾秀  
奇謀殺情事。並不力阻。未便照凡人問擬。  
將會萬瑾。依知人謀害他人。不卽阻擋杖  
一百。律加一等杖六十。徒一年。

浙江司 嘉慶二十四年

浙撫題楊七觀。因貧教令伊子楊大竊牛。



宰賣經事主查知稟究楊七觀之妻王氏  
斥責楊七觀之非。楊七觀生氣詈罵王氏  
忿恨起意致死。令出嫁之姪女陳楊氏相  
幫。陳楊氏害怕逃回。王氏乘楊七觀睡熟  
即將其勒死。除王氏依律凌遲處死。楊大  
因伊父教令行竊敗露致父被母謀殺罪  
止擬流。應依盜殺牛隻例枷號一個月發

附近充軍外。陳楊氏係楊七觀之出嫁姪女。依知人謀殺不救護律。杖一百。罪上加一等。杖六十。徒一年。

湖廣司 道光二年

南撫咨胡癩子因丐伴陳添明懶惰。又時向斥罵商同丐伴蕭士傑等。戳瞎其兩目。使之不能尋害。卽取鉄釘戳傷陳添明兩

目成篤。依瞽人兩目。律擬流。

刑律鬪毆

鬪毆

山東司 嘉慶二十年

東撫奏郭允法用腰刀背毆傷劉健。郭允法本係河兵。腰刀乃常佩之物。並非因鬪毆攫取。該犯僅用刀背行毆。與兇徒因事忿爭。執持腰刀傷人者有間。應量減滿徒。

山西司 嘉慶二十年

晉撫咨張添祿、因賭輸錢、挾苗添富等不  
與再賭之嫌、糾邀劉原、各持腰刀、將傅五  
砍傷、及差役往拘、復喝令拒捕、砍傷差役。  
張添祿、應依兇器傷人、發近邊充軍、如拒  
捕罪二等、發極邊充軍。劉原用腰刀砍傷  
傅五、並用刀砍傷差役、並未成傷、惟同惡

共濟應于張添祿罪上減一等發邊遠充軍。張添祐聽從伊弟同行助勢刃傷差役應依刃傷人杖八十徒二年加拒捕罪二等爲從減一等同行助勢應加一等滿徒直隸司 道光元年

直督咨回民王六等聽糾奪犯夥衆十人以上執持器械在場助勢並未幫毆傷人

於同民結夥十人以上雖無執持兇器但傷人者充軍例上減一等滿徒。

奉天司嘉慶二十二年

吉林咨魏安糾約李發川等各持兇器將李玉斌毆傷李發川等各持兇器毆打一下因見李玉斌受傷卽未動手尙知畏法李玉斌傷經平復若依兇器傷人擬軍未

免情輕法重。李發川等應減魏安軍罪一等。滿徒。

安徽司 嘉慶十九年

安撫容王富玉。因吳畛將伊妻誘去。與吳三孜朋姦。王富玉向詢被斥。將吳畛捆縛。追出踪跡。因吳畛辱罵。擦傷吳畛兩目。成瞎。吳畛與吳三孜朋姦其妻。又復窩藏姦。



宿與逞兇爭毆者有間于毆人成篤滿流  
罪上量減一等滿徒

河南司 嘉慶二十三年

河撫題盧文等毆死胡振邦案內王峩聽  
從盧文刃傷胡振邦應照光州所屬兇徒  
結夥三人以上執持兇器傷人擬軍惟聞  
挈自首得免所因結夥傷人之罪應仍照

滿徒。

江蘇司 嘉慶二十四年

蘇撫咨胡進三因子胡奎違犯教令糾約何二等將胡奎毆傷身死除胡進三依子孫違犯教令父母非理毆殺律杖一百外何二用鉄手套幫毆有傷應依兇器論但死係違犯教令罪人該犯經屍父糾令幫

毆與兇徒執持兇器傷人者有間將何二  
于兇器傷人軍罪上減等滿徒。

陝西司 嘉慶二十四年

陝撫題李得因與薛元功之妻范氏通姦  
被薛潤德將范氏才姦霸佔李得起意糾  
同縱姦本夫薛元功幫毆隨將薛潤德推  
跌欲斷其腳筋成廢令薛元功按捺李得

本毆傷法依刃傷人擬徒。

直隸司 嘉慶二十三年

長蘆鹽政奏回民穆國玉將單廣玉摔跌  
倒地回民穆明海用木棍迭毆多傷未便  
僅照他物成傷律科斷。比照回民駁結三  
人以上共毆之犯充軍例上量減一等各  
杖一百徒三年。

直隸司

嘉慶二十三年

按察使奏回民劉祥芝等結夥持械毆砍  
張中奎之父張泳限外身死案內劉維華  
係劉祥芝堂叔劉維華先被張中奎等毆  
傷其用鉄串鋌毆傷張添和事出還毆情  
稍可原應于回民結夥三人以上執持兇  
器毆人之案共毆之犯擬軍例上減一等

用刀割斷其脚筋身死。除李得依共毆律擬絞外。查薛元功聽從按捺。割斷薛潤德脚筋。卽不至死。亦必成廢。將薛元功依毆人成廢律。爲從杖九十。徒二年半。

雲南司 嘉慶二十五年

雲撫咨回民馬均俸。聽從馬小四糾往毆打。後聞馬小四聲喊打毀門戶。該犯畏懼。

潛回並未助勢共毆。尙知畏法。若與執持  
兇器共毆之犯。一律擬軍。似無區分。馬均  
俸應于回民結夥執械共毆軍罪上減等  
滿徒。

安徽司 嘉慶二十五年

提督咨送李黑子、刃傷同主家人勒里查  
李黑子。係慶綸已故家人李四所娶之妻。

隨帶前夫之子。其在主家服役。固厯多年。惟本非李四所生。與旂下家奴有間。雖據伊主送呈。自未便擬以發遣。應按刃傷本律。交順天府充徒。

貴州司 嘉慶二十五年

貴撫咨郭心貴。因欠糧不納。糧差畏比。挾完。向其催索不償。致相爭鬪。輒令其弟郭



包三等。各用例禁軍器。將糧差黎貴等毆  
截受傷。應以主使之。人爲首。郭心貴。依兇  
器傷人。擬軍。郭包三等。擬徒。

直隸司 嘉慶二十五年

直督咨程七。用鋤頭毆傷常春光頂心。查  
鋤頭係屬農具。並非有刃之物。應依他物  
毆人成傷律。答四十。

直隸司

嘉慶二十五年

直督咨張七用鉄把刀砍傷連五一案。查  
張七因索討賭欠將連五砍傷。該督將張  
七依兇器傷人例擬軍。聲明該犯孀婦獨  
子准其留養。照例枷號四十日。經本部以  
張七因索賭欠兇器傷人准其留養。照例  
枷號。仍盡賭博本法。再枷號兩個月。滿日

折責發落

直隸司 嘉慶二十四年

直督咨王虞齡。因張聚與人爭毆。該犯在旁理論。張聚疑其偏護。用棍向毆。該犯以鉄鋤嚇砍。致傷張聚手指。查鉄鋤係有刃之物。將王虞齡依刃傷人律。杖八十。徒二年。

河南司

嘉慶十九年

河撫咨臧寅、因疑賊毆傷郭勇亮兩腿骨  
折、照兇徒故折人肢體發近邊充軍。

直隸司

嘉慶二十年

直督咨崔舞鳳、戳傷劉容兩目成篤。查劉  
容係共毆致死崔舞鳳之兄崔金鳴身死  
案內逃走金刃傷人之餘人。並非姦盜罪。

人崔舞鳳亦無應捕之責。應照平人擬流。

直隸司 嘉慶二十二年

直督題王玉林。充當縣役。因劉志會抗糧。不納。稟官拘比。因其站立不行。用練拉跌。倒地。復因被毆。用腳踢傷其左後肋內損。身死。並非鮮起嚇詐。仍照毆毆擬絞。

直隸司 嘉慶二十二年

直督奏封邱縣革役申全。因頭役給差票。囑伊代傳買贓人趙振。輒起意商同黃文彩等五人。假充差役。先將趙振之弟拴住。索訛錢文。嗣因錢未送交。復又添糾李守信等十人。各持器械。夤夜潛往趙振家。跳牆開門進內。迨趙振起捕。胆敢逞兇砍毆。查封邱縣。係豫省衛輝府屬。于匪徒滋事。

大加懲辦之後。猶敢糾衆越境。嚇詐滋事。申全等應比照豫省南汝陳光四府州屬兇徒聚衆至十人以上。執持兇器。無論會否傷人。不分首從。發新疆爲奴。

安徽司 嘉慶二十一年

安撫谷徒犯解添倭。在配脫逃。被獲拒捕。致被解心榮等砍傷成廢一案。查解心榮。

係解添佞無服族姪。解添佞先因刃傷張  
守義擬徒。在配脫逃。飭緝查拏。嗣解添佞  
潛回。被解添輔撞遇捕捉。解添佞拔刀拒  
捕。解心榮幫捕。用刀砍傷解添佞左手成  
廢。該署撫以解添佞係逃回徒犯。解添輔  
曾經具結。卽有應捕之責。解心榮幫捕。將  
解添佞毆傷成廢。照擅殺罪人至折傷者。



以鬪傷定擬并聲明解心榮。雖係解添倭  
無服族姪。若照親屬相毆。卑幼犯尊長。加  
等擬流。是其帮捕有罪之人。與尋常鬪毆。  
漫無區別。解心榮應照折人肢體律。杖一  
百。徒三年等語。查例內脫逃人犯。傳令原  
籍親屬隣佑。取結偵緝。係專指軍流而言。  
今解添倭係尋常徒犯。該署撫輒引保隣

具結偵緝。又謂解添輔有應捕之責。將幫  
捕之解心榮。照擅傷定擬。已屬牽引。且卽  
以擅傷而論。該撫旣稱此案如解添俊當  
時因傷身死。解心榮應照鬪殺擬絞。則其  
毆至折傷。亦應照鬪殺律科。以滿徒仍按  
卑幼犯尊長加一等定擬。今于解心榮旣  
以鬪傷律定案。復援引該犯爲幫捕有罪。

之人寬其犯尊加等之罪殊未允協解心  
榮。係解添倭無服族姪。應于折跌人肢體  
滿徒上。仍盡卑幼犯尊長本法加一等杖  
一百。流二千里。

山西司 嘉慶十八年

晉撫咨任忠用鎗扎傷鄭懷子受傷後因  
凍身死。比照鬪毆之案。因患他病身死。與

本傷無涉者。雖在辜限之內。仍依律從本  
毆傷法之例。依兇器傷人本例擬發。近邊  
充軍。

安徽司 嘉慶二十二年

安撫咨余鰲。因向楊占魁索欠被罵。糾邀  
令珠等十一人。尋毆楊占魁。未遇。疑其在  
楊傅氏家躲藏。卽赴彼家搜尋。打毀器物。

以致同去各犯。攫去衣物。並令珠遺火燒。  
房查余鰲目觀各犯搶取衣物。卽與同搶。  
無異。應比照聚衆執持兇器搶檢家財。棄。  
毀器物。徒罪。以上不分首從。例發邊遠充。  
軍。

安徽司 嘉慶二十二年

安撫谷年如恒。聽從主使。共毆姚逢年身。

死一案。該犯所砍姚逢年右膝八傷。檢查  
原驗俱至筋骨碎斷。自應照毆人成廢律。  
從重定議。該撫將該犯照刃傷人辦理。殊  
未允協。年如恒應改依折人肢體律。滿徒。  
河南司嘉慶二十二年

河撫題趙二毆傷陳書貴身死一案。查陳  
書貴假充捕役。屢向趙二訛索。雖係有罪。

之人趙二曾經犯竊亦非平人可比。應按  
鬥殺問擬。

陝西司 嘉慶二十年

陝督咨回民馬文世因見陶富全年輕向  
其戲謔彼此爭吵而散。迨數月後陶富全  
在茶館坐歇該犯見而冷笑陶富全觸起  
前嫌叫罵並欲揪拉到官該犯情急拔刀

劃傷陶富全限內平復該督將該犯依棍徒擾害例擬軍咨部經本部核其起衅情節是否馬文世有意圖姦抑止于語言戲謔如果衅起圖姦又刃傷陶富全罪已不止擬軍倘僅止戲謔應卽照刃傷木律科斷與棍徒擾害之例未符等因咨駁去後續據該督覆訊馬文世實止戲謔並非有



意圖姦將馬文世改依刃傷人律杖徒限  
內平復減二等發落

河南司 嘉慶十九年

河撫咨王金萬等攔截過客婦女並迭次  
訛詐照豫省兇徒聚衆十人以上執持兇  
器無論曾否傷人發新疆爲奴

浙江司 道光二年

從督咨送宗室金策與覺羅興安互毆成傷一案查律例內並無覺羅與宗室毆毆作何治罪明文自應照尋常關毆定擬與安金策均依手足毆人成傷律答三十

陝西司 道光元年

陝撫谷外結徒罪內道士郭元成用劒砍傷韓泳幅查劒本道士所有之物並非例

禁兇器。且奪自韓泳幅之手。仍依刃傷人本律。徒二年。

直隸司 嘉慶二十四年

直督咨康坐扎傷任自平兩目成篤一案。查康坐因任自平。砸毀伊子康孟秋鋪內車輪。令其賠償不允。該犯起意商同康孟秋。用鉄錐將任自平兩眼扎瞎成篤。將康

坐比照兇徒因事忿爭賠人兩目例發近  
邊充軍康孟秋爲從減等滿徒

浙江司 嘉慶二十四年

盛京將軍咨庄頭許元燾拖欠租銀經伊  
主將庄頭革退另放許勇明充當許元燾  
不服糾毆以致許連太將許勇明毆傷成  
廢復撕毀伊主諭帖並將許勇明之子一

併毆傷實屬情兇勢惡。若僅照折跌人肢  
體成廢例擬徒。殊覺輕縱。除許元爨發遣  
外。將許連太。比照兇徒因事忿爭。故折人  
肢體例發近邊充軍。

陝西司

嘉慶二十四年

陝撫咨衡伏羲子。原犯折人肢體擬徒。在  
配脫逃。強分乞丐。陳志幅飲食不遂。恃強

毆傷陳志幅右眼失明。查陳志幅左眼舊  
瞽。該犯拳毆其右眼失明。致令成篤。若僅  
依舊患致令篤疾。本律擬流。殊屬輕縱。將  
衡伏羲子比照兇徒忿爭。剜瞎人眼例。近  
邊充軍。訊無財產。無可斷結。

浙江司 嘉慶二十三年

浙撫咨童炳立。因蔣阿六誣伊爲竊。斥詈

其非。蔣阿六回。詈童炳立。氣忿起。意挖瞎其兩目。糾令林惲黃相幫。將兩脚揪按。童炳立用手挖瞎蔣阿六兩目。與兇徒忿爭。瞎人兩目者不同。依瞎人兩目律。滿流林惲黃照爲從。減等滿徒。

湖廣司 嘉慶二十三年

南撫題鄺潔倡等。戳死陳善善等。案內鄺

幅太點放空鎗。並未傷人。查鳥鎗與兇器無異。應照執持兇器未傷人例杖一百。

直隸司

嘉慶二十二年

直督咨于八先與田葉氏通姦。旋經縱容之氏母葉年氏拒絕。于八用鉄尺將葉年氏等毆傷。以致葉年氏羞愧自盡。于八合依兇器傷人近邊軍例加等邊遠充軍。



直隸司

嘉慶二十二年

本部奏工部司庫巴珠爾因伊戚錫綸向伊索欠爭論伊父富爾松阿嗔其不顧親誼將錫綸揪毆巴珠爾護父亦用拳毆脚踢職官鬪毆未便依手足毆人成傷例擬笞富爾松阿巴珠爾均照不應重律杖八十杖不滿百交部議處

安嶺司 嘉慶二十一年

提督谷送佛光保扎傷海慶。查佛光保又  
與富氏通姦。若僅照刃傷人折枷該犯應  
得杖數反少于犯姦本律。佛光保仍盡犯  
姦本法杖一百。枷號一個月。連刃傷人徒  
二年。應折枷三十日。共枷號六十日。滿日  
鞭責發落。

河南司

嘉慶二十二年

本部奏司鑾塔那保派往隨

圍向慶福索討賭欠。央緩爭鬧。塔那保順  
用虎鎗。扎傷慶福。係在熱河距

行宮二里。應照午門以外。照常律辦理。虎  
鎗與兇器無異。將塔那保革去司鑾。依兇  
器傷人例。擬發近邊充軍。因索討賭欠。於

行宮地方遲兇應遵

旨加等發邊遠充軍實發駐防當差奏奉  
上諭塔那保着再加枷號兩個月發往烏  
魯木齊欽此

刑部比照加減成案卷十九目錄

杭州許榷

同訂

安陸熊莪

刑律鬪毆

保辜限期

宮內忿爭

宗室覺羅以上親被毆

毆制使及本管長官

毆受業師

威力制縛人

良賤相毆

奴婢毆家長

刑部比照加減成案卷十九

刑律關殿

保辜限期

奉天司

嘉慶二十四年

吉林將軍奏譚成修踢傷張泳安越十三日未愈因患疔毒身死一案查譚成修開立典舖于發票時不給現錢因此與張泳

安互行爭鬪。迨將張泳安推跌倒地。卽用木柴毆擊致命。顙門成傷。又踢傷其項頸等處。舖夥周起等踵至。各踢張泳安成傷。情近強橫。雖張泳安死由疔毒。而原傷究未痊愈。將譚成修比照鬪毆之案。原毆如當致命之處。而傷輕。因風身死。在十日以外。聲請改流。



陝西司

嘉慶二十四年

陝撫谷樊瞞兒因並無主僕名分之雇工  
解辰兒牧放牛隻踐食麥苗該犯斥責不  
服用鐮柄毆傷解辰兒右胳膊等處解辰  
兒被毆之後飲食行動如常嗣睡熱炕火  
毒入內致傷痕潰爛越二十二日身死將  
樊瞞兒比照他物傷正限餘限內因風身

死例滿徒。

陝西司

嘉慶十八年

陝督題馬均富毆傷田盛義手背。並非致命。又非重傷。因田盛義雖卧熱炕。傷口中受火毒潰爛身死。將馬均富比照原毆傷。輕不致于死。越五日。因風身死。例擬流。

山東司

嘉慶十八年

東鑑谷徐希曾擅殺賊犯正限外餘限內  
身死照例減爲杖一百流三千里。

四川司

嘉慶二十五年

川督咨林文幅毆伊妻賴氏于正限外餘  
限內因風身死一案查律例內並無夫毆  
妻至餘限內因風身死作何治罪明文惟  
毆妻致死律應絞候與凡人情罪相同其

毆妻因風身死。自應卽照凡鬪問擬將林  
文幅依他物傷正限外餘限內因風身死  
例滿徒。

直隸司

嘉慶二十五年

直督咨杜華平毆傷雇工人夏大越十日  
因風身死。將杜華平依家長期親毆死雇  
工人杖一百徒三年仍照凡鬪之案因風

身死在十日以外聲請減流之例于滿徒上減一等杖九十徒二年半追埋葬銀二十兩。

陝西司 道光二年

陝督題李丙成毆傷駱王家招潰爛身死一案查李丙成毆傷駱王家招左脰等處後駱王家招因卧熱炕傷受火毒潰爛越

十六日身死核與因風身死情事相同。將李丙成比照原毆並非致命之處。又非極重之傷。越五日因風身死例擬流。

陝西司 嘉慶二十三年

陝督題王玉春用針戲扎張招保子傷口潰爛身死。查扎右脇肋一傷並非致命處所。傷止紫血一點。又非極重之傷。張招保

子行動如常。用水洗腿。以致傷口浸濕。腫爛。越十二日身死。將王玉春比照原毆。並非致命之處。又非極重之傷。越五日。後因風身死。例擬流。

陝西司 道光二年

陝撫咨賊犯劉幅英拒傷事主。因風身死一案。查劉幅英因竊事主孫百會錢搭被

孫百會捕獲咬傷手指該犯情急用柴毆傷孫百會偏左等處越十一日因風身死。按例罪應斬候該犯聞拏投首得免所因仍依鬪殺科斷原驗孫百會致命偏左等處傷僅皮破並非重傷自應按例問擬將劉幅英依鬪毆之案原毆致命傷輕因風身死在十日以外聲請改流。



河南司 道光二年

河撫咨謝鳳臺與申兆位爭毆。後申兆位  
因傷潰爛身死。查謝鳳臺見申兆位在伊  
地內用鐵鏝刨砍樹根。該犯不依搶奪鐵  
鏝申兆位失跌倒地。樹根扎傷左腿等處。  
越二十三日。因傷口進水潰爛身死。核與  
因風身死情事相同。將謝鳳臺照鬪毆之

案原毆並非致命又非重傷因風身死在  
正限外餘限內者照毆人致廢疾律擬徒  
福建司 嘉慶二十一年

福撫咨李有照過失致傷陳良海因風身  
死查李有照舉斧劈柴斧頭脫落致過失  
傷陳良海右太陽穴越二十一日因風身  
死已在他物傷正限二十日之外惟過失

傷因風身死。並無專條。將李有照依過失殺人者。在鬪殺罪鬪殺之案。他物傷正限外。餘限內。因風身死。照毆人致廢疾律。杖一百。徒三年。仍依律收贖。追銀七兩九分七釐。

山東司 嘉慶二十五年

東撫咨陶德。因王二飲酒吵嚷。恐滋事端。

推其進屋。手勢過重。致將其推跌倒地。在石上。撞裂舊患瘡。已有爭鬪情形。王二受傷潰爛。越十九日。因風身死。係在五。日以外。確有抽風情形。惟受傷之處。係屬舊患瘡。如若與毆傷之案。一例擬流。未免無所區別。應照鬪毆之案。原毆並非致命。又非重傷。越五日。因風身死。杖流例上減等。

滿徒

卷十九

刑律  
國政

八

宮內忿爭

江西司 嘉慶二十二年

領侍衛內大臣奏二等侍衛和敏隨

圍至熱河因患痰氣病症在寓所用刀自  
戕。訊明犯事地方距

宮門半里之外。惟該犯係隨扈人員。輒因  
病氣忿用刀自行抹傷。未便僅照故自傷

殘本律擬杖致滋輕縱和敏應比照  
行營地方卡門以內金刃自傷例杖一百  
徒三年係旗人照例折枷鞭責

安徽司 嘉慶二十二年

本部奏護軍烏勒希春在

紫禁城內

箭亭該班該犯輒因買物之便在外沽飲

回至該班處所。恃醉。攘罵。復因同班護軍。  
往稟該管叅領。輒敢砸碎茶碗。自行劃傷。  
翼圖誣賴。應比照常人在

禁城內。金刃自傷。杖流例上。減等滿徒。  
惟在

禁地該班處所。倚醉。攘鬧。未便照例折枷。  
致滋輕縱。從重發駐防。當差奉



旨著枷號一個月滿日發青州駐防當差  
欽此。

陝西司 嘉慶二十五年

景山值班大臣谷送護軍倭克精額素有  
氣逆心迷病症在

西安門內

景山圍牆以外值班。因同班護軍舒明哲

陳與伊造飯不好。出言刺斥。氣忿病發。自行抹傷。按平常在該處犯事例。上杖八十。惟現在

景山。係切近

觀德殿。較常尤爲應嚴。應于本例杖八十。上酌加二等。照違制律杖一百。

嘉慶二十五年

浙江司

提督咨送步甲廣福在

西華門內造辦處該班係屬

禁城重地。用磁片將薩凌阿毆傷。應照

紫禁城內各處當差人等。他物毆人者。杖

一百。流三千里。枷號三個月。係旗人。折枷

共枷號五個月。薩凌阿照不應重杖。枷號

一個月。

安徽司

嘉慶二十五年

步軍統領奏護軍賽沙布與護軍海昌在昭德門該班賽沙布因聞該管值班大臣查差誤將海昌緯帽帶上因被海昌討取詈罵將海昌毆傷賽沙布應革去護軍依常人在

紫禁城內關殿于足傷人例擬流係旗人發駐防當差仍先枷號一個月海昌並不善爲討取輒向毆罵追被賽沙布毆打亦復用拳回毆雖驗明賽沙布無被毆傷痕未便以毆人不成傷擬笞海昌應照違制律杖一百枷號一個月。

貴州司 嘉慶二十二年

本部奏侍衛達靈阿奉派充當  
西安門管門差使。輒于不應進

內之時。不服攔阻。倚醉吵罵。將副叅領揪  
扯。撕破衣服。尙未成傷。將達靈阿比照  
奉派在

圓明園大宮門大東大北等門以外手足  
他物傷人例杖一百。徒三年。從重發往伊

犁、當、差、仍、先、枷、號、一、個、月、滿、日、重、責、三、十、  
板、再、行、發、配、

宗室覺羅以上親被毆

湖廣司

嘉慶十八年

提督咨送吉磬與覺羅海勇西拉布互相  
鬪毆查海勇西拉布身係覺羅輕入酒肆  
與人爭鬪未便僅擬輕笞均照違

制律杖一百吉磬照常人鬪毆擬笞

奉天司

嘉慶二十五年

卷十九

刑律鬪毆

二



盛刑題民人吳銘太故殺宗室雙成身死  
依毆宗室本律擬斬監候

山東司

嘉慶二十年

提督咨送王會兒前因姦拐何胡氏並用  
刀砍傷二格擬軍折枷號九十日該犯旋  
因患病疎枷交旗領回調養輒復以口角  
細故將覺羅之妻閔氏兩次毆傷例無治

罪明文應照不應重杖枷號兩個月。尙有  
應補枷號六十四日。共應枷號一百二十  
四日。

毆制使及本管長官

廣西司

嘉慶二十五年

廣西撫題邱老七糾搶拒傷事主。因夥犯  
破獲。商同曾老三等中途打奪拒傷官弁。  
邱老七應比照部民犯罪不服拘拏逞兇。  
殺本官已傷者爲首斬立決。曾老三仍依  
奪犯爲從本例擬流。

嘉慶十九年

奉天司

盛刑谷宗室吉康、酒後毆傷本管族長紹  
昌、與毆首領官無異。此照軍士毆首領官  
律擬徒。

雲南司

嘉慶二十五年

雲撫題王和尚前因犯竊拒捕刃傷事主。  
擬絞減軍。茲復在配所行竊、經典史起賊。

屬令責懲廳差將其拉責該犯搶取木棍  
將廳差毆傷該典史出堂以喝以致將棍  
誤傷該典史核與不服拘拏不遵審斷者  
無異固未便照部民逞兇殺害本官傷者  
照光棍例擬斬立決應將該犯照原犯絞  
罪改爲擬絞立決

嘉慶二十三年

廣東司

卷十九

刑律關毆

廣東撫咨陳炳借給試用鹽知事郝興安  
銀一千兩。違禁九扣。先收回銀一百兩。嗣  
郝興安已還過本銀七百二十兩。餘欠央  
緩。該犯輒欲卽口歸還。不許回寓。復經郝  
興安措還銀一百兩。實止欠銀八十兩。懇  
求寬緩。該犯猶不允許。斥罵疲頓無恥。並  
稱元旦坐索吵鬧。令其沒臉。以致郝興安

張通難堪忿恨自縊該員係粵東試用職  
官。雖非本管官長究未便僅同常人威逼  
科。以。杖。罪。且。其。違。禁。取。利。計。贓。已。罪。應。滿  
杖。未。便。置。人。命。于。不。問。將。陳。炳。比。照。軍。民  
人。等。因。事。逼。迫。本。管。官。致。死。者。絞。例。上。量  
減。一。等。滿。流。

奉天司 嘉慶十九年

盛刑谷王坤跟隨覺羅召保與該管知縣爭鬧該犯帮同毆踢比依部民毆知縣者杖流。

山東司 道光二年

東撫咨外結徒犯內纜夫張丑兒刃傷運弁一案查張丑兒充當纜夫並不慎重竟至斷纜五根乃因趙外委理言申斥輒行



不服分辯。迨經慶千總飭令趕緊接續。將其往前一推。復敢恃刀招架。致將慶千總右額角割傷。實屬不法。查律例並無纜夫刃傷運弁治罪明文。惟受雇管纜卽同吏卒無異。漕委運弁均有約束之責。將張丑兒比照吏卒毆六品以上長官減五品以上罪三等律。于毆五品以上長官折傷者。

國制使及本署長官  
絞罪上減三等杖九十徒二年半。再加枷  
號兩個月。

福建司 道光二年

福撫咨陳煥章違

制演戲。扯結巡檢一案。查陳煥章于

國喪期內演戲。經巡檢諭阻。不遵。釀鬧。又  
復不服拘拏。喊同陳康吉將該巡檢石聲

場扭結但尚未逞兇傷官應比例酌減問  
擬將陳煥章比照部民犯罪在官不服拘  
拏逞兇殺害無論本官品級于已傷斬罪  
上量減一等滿流陳康吉依爲從減等滿  
徒。

湖廣司

嘉慶二十一年

南撫咨差役盧超等誤傷典史袁梓賢一

案。查典史袁梓賢因知縣公出代拆代行。有管束之責。與本官無異。盧超等均係縣役。與軍士相同。今盧超與盧亮爭鬪起毆。因值晝夜。不期該典史走至。誤將其毆傷。應比例問擬。將盧超比依軍士毆本管官傷者杖一百。流二千里。武襄等將該典史頂帽撞落。與毆打無異。均比依軍士毆本

管官律滿徒。

山東司 嘉慶十八年

東瀛客外結徒犯內生員鄭廷璜。毆傷木  
管教官。比照吏卒毆六品以下官長律。杖  
八十。徒二年。本部改依毆傷受業師業儒  
弟子。照毆傷期親尊長律。滿徒。

四川司 嘉慶二十二年

川督奏任冲添炮聽從肆竊。迨見官往拏。該犯首先刃傷兵丁。復喝令衆賊拒傷外委。查該犯雖非該外委部民。究係該外委奉派查拏之賊。胆敢不服拘拏。拒抵將任冲添炮比照犯罪。在官不服拘拏。逞兇殺害本官。已傷例爲首擬斬立決。

湖廣司

嘉慶二十一年

本部奏步甲舒成在官廳嚷鬧。經該管步軍校立柱欲將舒成鞭責。舒成之母舅趙三幫同分辯。立柱向伊村斥趙三與舒成同將立柱毆踢成傷。該二犯厥罪惟均。若僅照律擬流不足示懲。俱請發往黑龍江爲奴奉。

旨趙三首先肆橫。實屬藐法。趙三著加枷。

號三個月。遊示各旗堆撥滿日發往黑龍江。舒成著卽發遣等因。欽此。

江蘇司 嘉慶十九年

提督奏送步甲凌桂。先因毆死妻擬絞。減流折枷。嗣挑充步甲。醉後又與人鬪毆。經官責釋。今復乘醉毆本管五品官。若僅按軍士毆傷五品長官律。罪止流二千里。仍



依旗人酗酒滋事。怙惡不悛例。發黑龍江  
當差。先于犯事官廳前枷號三個月。奉  
旨著永遠常川遊示九門。儆衆。嗣後有步  
甲兇毆本官。卽照此辦理。

福建司 道光元年

提督奏步甲吉幅保毆傷本管步軍校一  
案。訊明吉幅保先因爭毆刃傷人擬徒。遇

赦減杖鞭責發落。嗣挑充步甲誤差。被本  
管護軍校將其革退。該犯理論被斥。致向  
揪扭。並未成傷。與十九年先因毆死妻擬  
絞。援減後復逞兇毆傷本管官。奉

旨永遠枷號。遊示九門之凌桂一案。情節  
稍輕。惟該犯先因刃傷擬徒。得邀

寬典。茲復毆及本管官。若僅照毆官本律

擬徒不足示懲。應從重發往駐防當差。

奉天司 道光二年

吉林咨梅克寬等開場聚賭。經官兵查知。往捕梅克寬。恐被獲治罪。喝令拒毆。致傷官役。依部民犯罪不服拘拏。挺身闕堂逞兇殺害本官已傷者。爲首照光棍例斬決。部駁梅克寬喝令拒捕。係因畏罪起見。並

非有心逞兇殺害其在廟會地亦與公堂  
迥別。不得謂挺身肆鬧行令安議。嗣據該  
將軍咨稱。該犯聽糾聚賭。本屬違例。于該  
管官緝拏。目睹戴有翎頂。並不畏罪。胆敢  
喝令拒毆。實屬目無官長。仍照原擬斬決。  
本部改依毆傷本管官杖一百。流二千里。  
罪上加拒捕罪二等。從重發往新疆充當

苦差。

直隸司

嘉慶二十一年

直督谷馬興濬以出土細故向本管知縣  
頂撞因被責不甘挾嫌拾磚將該縣擲傷  
並拒傷該縣家人將該犯依部民毆本屬  
知縣傷者杖一百流二千里律上酌加枷  
號三個月從重發往新疆給官兵爲奴

安徽司

嘉慶二十二年

提督奏送何大因馬匹驚逸被副都統額勒精額迎面將鞭攔趕以致馬往北走何大因馬被轟跑卽上前攔住索馬喝令郭三等將額勒精額揪扭撕破衣服復將藍翎侍衛貴成揪拉下馬並撞傷鼻孔流血何大係明知二品大員胆敢喝衆撕揪未

便。僅。照。毆。非。本。管。官。律。問。擬。應。于。犯。事。地。  
方。枷。號。一。個。月。滿。日。重。責。八。十。板。發。黑。龍。  
江。爲。奴。郭。三。侯。六。聽。從。逞。兇。實。屬。同。惡。相。  
濟。均。應。于。犯。事。地。方。枷。號。一。個。月。滿。日。各。  
責。四。十。板。發。遣。爲。奴。

江蘇司  
嘉慶二十一年

蘇撫咨外結徒犯內魏校書擣傷巡檢手

指骨折。應以毆傷佐貳首領官。遞減一等。  
于部民毆知縣折傷絞罪上。統減五等杖。  
一百。徒三年。該撫將魏校書。統減五等杖。  
七十。徒一年半。與例不符。魏校書。應依律。  
改爲滿徒。魏貽書。將巡檢踢傷。應依爲從。  
減一等杖九十。徒二年半。

福建司

嘉慶二十二年



開督題營兵羅漢州。因典史俞國棟買肉。  
故短發價。復因斤兩短少。差傳查問。遽將  
兵丁薛桂奉掌嘴杖責。該犯忿激不平。糾  
兵攔毆。是該典史任意凌虐。自取侮辱。羅  
漢州等中途攔毆。亦與挺身。毆堂有間。羅  
漢州等應于部民軍士懷挾私讐。挺身毆  
堂毆傷本官。斬絞例上量減一等。滿流。

雲南司

嘉慶二十二年

提督谷送韓彭氏係已故三等侍衛巴林之妻。卽屬五品命婦。因向王三索討地價。在街行走。並向王三扑毆。被王三回毆。並未成傷。將王三比依毆非本管官五品以上杖六十。徒一年。例上量減一等。杖一百。

毆受業師

奉天司

嘉慶十九年

盛刑咨侯克讓因學生孫有幅書不嫻熟並挾忿迭毆致斃與弟子違犯以理教責不同依弟子違犯教令以理毆責致有殺傷儒師照尊長毆死期親卑幼滿徒律上量加一等杖一百流二千里

威力制縛人

貴州司

嘉慶二十二年

貴撫咨劉華山與王勝文爭毆經並不干  
已之王明甫糾令李麻子將劉華山捆縛  
以致劉華山失跌河內淹死李麻子並未  
將劉華山毆打亦未威逼死由失跌並非  
自盡將李麻子比照威力制縛人因而致

死者絞監候律上量減一等滿流王明甫並不干已輒起意邀約李麻子將劉華山相縛釀成人命應于李麻子流罪上減一等滿徒。

陝西司 嘉慶二十年

陝督咨快役李珍主使散役羅大林拷問賊犯陳杰致令墊傷身死查李珍充當捕

役拏獲賊犯陳杰。並不送官。輒令散役羅大林拷問。致陳杰被拷情急。自往下蹲。以致墊傷腎囊斃命。罪坐所由。自應將李珍按主使爲首。本法擬絞。業已病故。應毋庸議。羅大林聽從私拷。本應照威力主使下手之人。爲從擬流。但死係行竊罪人。與平人有間。將羅大林予滿流。上量減一等。滿

徒。

山西司

嘉慶二十三年

晉撫奏散役林逢太擅將被告之張山帶至私寓看押。口角細故。輒敢鎖其頸項。拴于門檻之上。不令起立自由。實屬倚仗威力。肆意凌虐。後雖開鎖。仍復散押數日。始行稟到。迨張山患病。又不交親屬領回。以

致在押病死。現經訊明。死由于病。與威力制縛私拷致死。死者有間。應將林逢太。比照威力制縛私加拷打監禁致死絞候上量減一等滿流。

安徽司

嘉慶二十一年

安撫奏陳天秩京控韋堯文等霸地案內之陳鳳竹因挾韋堯文訟讐拉捉韋位賢



至家關鎖勒寫錢票。且于差役往拿時。胆  
敢糾人捆縛拒捕傷差。陳鳳竹應比照無  
籍之徒捆縛平民脅騙財物例。枷號一個。  
月發烟瘴充軍。

良賤相毆

貴州司

嘉慶二十一年

貴撫咨吳應明毆傷傅茂賢婢女桂蘭致令氣忿自盡將吳應明依良人毆傷他人奴婢減凡人一等律于因事用強毆打威逼人致死軍罪上減一等滿徒。

奴婢毆家長

奉天司

嘉慶二十四年

本部奏已革兵部主事劉肇垣因婢女絨花、  
賊污衣服不肯浣洗。喝令僕婦李氏並  
妾趙氏等責打。復因絨花哭泣。該革員又  
自行毆打致死。因恐伊妾趙氏等到官有  
傷顏面。卽向坊書面許銀兩。尙未給付。旋

卽破案查已死絨花係該革員白契所買  
婢女恩養未及三年應依家長毆雇工人  
致死律滿徒惟身係職官恐伊妾到官面  
許坊書銀兩應請

旨發往軍臺効力贖罪

直隸司 嘉慶二十年

直督咨朱玉用鐵尺毆傷周玉章查朱玉

之祖。係周玉章堂伯契典家奴。該犯係生于放出之後。並不服役。應照雇工毆家長小功。親于兇器傷人近邊軍上加一等發邊遠充軍。

江蘇司

嘉慶二十五年

蘇撫題吳周因圖姦段六拔姐不從用刀嚇逼。因其喊罵。將段六拔姐立時殺死。查

吳周係段六拔姐之父段文知契典奴僕。例無奴僕強姦家長之女不遂逞兇殺死。作何治罪明文。應仍依故殺定擬。將吳周、依、奴、婢、故、殺、家、長、尊、卑、期、親、律、凌、遲、處、死。

直隸司

嘉慶二十二年

直督咨李雙喜毆傷義祖母沙李氏平復一案。李雙喜之父李起富自幼經沙明遠

收爲義子。撫養成。人娶妻生子。卽李雙喜。  
已歷四十餘年。迨沙明遠因已子長成。遂  
令李起富歸宗。復分與地畝房屋。同村居  
住。李雙喜向沙明遠之妻沙李氏。借糧不  
遂。輒將沙李氏推毆。例內並無義子之子。  
與義祖母有犯。作何治罪。明文惟義子有。  
故。歸宗義父母與義父之祖父母。無義絕。

之狀遇有違犯以雇工人論則義子之子亦可一律問擬李雙喜應照雇工人毆家長傷者律滿流。

江蘇司

嘉慶二十一年

蘇撫題盧幅因瘋砍傷家長蔡鳴等一案並毆死家長長期親卑幼蔡喜姐等二命該撫將盧幅依婢毆家長長期親至死例擬斬



立決。聲明瘋狂無知。且年甫十四。情有可  
原。聽候部議。查該犯係奴僕犯尊毆死。二  
命。又另傷三人。情無可憫。所有聲請聽候  
部議之處。應毋庸議。